

■ GLOSSA

Viver senza tai

DA SILVIO CAMENISCH

Stun jau vinavant enavant la pianista chantanta ed entertainra en la glisch, na stun jau betg pli vinavant enavant in chantant da background da fund u culissa en la sumbriva. Jau pass finalmain analmain or da la sumbriva dad ella; ditg avunda avain nus nanins nus furbaz vivì cun tai ed en tai e tras tai, uss èsi il temp da viver senza tai, en mintga cas per mai. Ils restants perseverants duain guardar per sai, jau guard per mai, egoistic n'è quai betg, mo logica consequenza. Folgerichtigkeit.

Nus tuts dus entertainers e fermas personalitads ans essan vivids pli e pli in ord l'auter, na fa noss publicum fidaivel a noss sound nossa ideologia musicala betg in'idea quant in ord l'auter, malgrà in cun l'auter sin nosas duas u er trais ultimas turneas da Nadal. Quai è er Nadal, sch'ins n'ha insumma betg pli il fain sin medem ladrutsch, ina giada avev'ins, n'ha betg pli, sa mussa tuttina ed ussa pir da dretg en il Musikantenstadl tar Andi Borg ed en l'emissiun da Nadal sin il Bain Aiderbichl tranter stars umans e stars animals, bain bain.



Al cumenzament, iniatium, eran nus anc set nanins furbaz denturn nosa Alvetta, unser Schneewittchen, en quella paraula vaira il temp da Nadal. La vardad è stada in'otra ils ultims Nadals!, na fa noss uvestg diocesan betg in'idea, quant sin distanza che nus eran d'urella, internamain. Internas, also internas n'avain nus, omadus fermas personalitads omadus alfatiers, pertge betg!, mai tradì avertamain a noss publicum uschia insatge sco fidaivel onn per onn vinavon, gist durant nossa gronda turnea da Nadal annuala. Tadlai o fidaivels uschia! n'avain nus betg tschaffen pli. Uschia betg pli.

Jau sun stà ex nanin furbaz, i na sun betg pli. La pianista, la bella, ha pront in auter sin ses clavazin cun ala. È uss i fitg

andetgamain per noss egl magari lamaschics. Pudess ins betg mussar il nov cun in regulatur da retardaziun Zeitlupenregler, anc ina giada ed anc ina giada. Jau na sun betg schiglius, betg lasch jau giu las schalusias da mes atelier e lavur sco in disturbà. Irre. Jau penel ussa da di e da notg. Durant nossa davosa turnea da Nadal ensemen da cumpagnia cun ella n'hai jau betg penellà! Jau na savess betg ina giada u savessas ti ina giada? Er betg. Ussa vegni penellà oho sin quellas tailas da glin.

Jau hai exponì actualmain mes exponats sin l'aua. Sun jau ussa stà l'emprim! Il Gioni davos na sun betg jau stà. Gugent avess in engurd ambassadur da las auas pretendì per sai il dretg da las auas. Tuttas. La pianista chantanta dastgass, vai tut endretg, turnar ad esser da cumpagnia cun nus cun il nov, schon il Nadal che vegn. Dastg'ins quai, signur uvestg? Betg vaira-main? Viver senza tai, manegel senza mai dastgass pia Wetten dass? cuntinuar tar quella cun in nov pitschen schumbrader. Uschè pitschen er puspè betg. In nov i fa tut puspè nov, insaco. Du bist ja unglaublich und so sexy, irgendwie.